

*do ora hereticorum impie illam carpentium. Aedes igitur amplissime constructae sunt, & sacrae solemnitates instituta.* Juxta ergo hanc prudentem antiquitatis praxim stabilienda est Epocha publicarum solemnitatum Mysteriorum Virginis ad saeculum Ephesinae Synodi, quod fuit quintum Ecclesiae.

VII. Deveniendo modo ad singula Mysteria Virginis, quae sternunt viam ad illud Conceptionis, brevissime adnotanda sunt, quae de Mysteriis Nativitatis, Præsentationis, & Assumptionis in historiis reseruntur; cum de aliis tribus Annuntiationis, Visitationis, & Purificationis nil occurrat dicendum; quia illorum historia distincte enarratur ab Evangelista Luca cap. 1. & 2.

Mysterium Nativitatis Virginis Mariæ solemniter celebratur, quia ejus Nativitas sancta fuit. Mariam fuisse sanctificatam in utero Matris, antequam nasceretur, sine nota temeritatis negari nequit. Jeremias veteris Testamenti Prophetæ fuit sanctificatus in utero, ipso dicente cap. 1. sua Prophœtia, Deum sibi revelasse, quod, antequam exiret de vulva, ipsum sanctificavit. Joannes Baptista Novi Testamenti plusquam Propheta, & Christi Præcursor, fuit in utero Matris sanctificatus. Angelus enim, dum Zacharia Patri promittebat filium, dixit Lucæ 1.: *Et Spiritu Sancto replebitur adhuc ex utero Matris sue.* Si ergo Jeremias Prophetæ, & Joannes Præcursor fuerunt in utero sanctificati, antequam nascerentur, non est ratio, quare eodem, & meliori modo non fuerit sanctificata in utero, & repleta Spiritu Sancto, antequam nasceretur, Beatisima Virgo Mater Domini nostri Jesu Christi.

Verum tempore Sancti Augustini Mysterium hoc adhuc erat absconditum, nec celebrabatur Feste particulari: quod desumitur ex ejus sermonibus in Feste Natalis Sancti Joannis Baptista. Sic enim ser. 20., quo utitur Ecclesia in lectionibus Breviarii, ait: *Post illum Sacrosanctum Domini Natalis diem, nullius hominis Nativitatem legimus celebrari, nisi filius Beati Joannis Baptista: & ser. 21., Natalem Sancti Joannis hodie celebramus, quod nulli unquam Sanctorum legimus fuis-*